

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-849-1/14.
Zenica, 17.01.2014. godine

Z A P I S N I K
sa 144. sjednice Vlade Zeničko-dobojskog kantona održane 15.01.2014. godine

Sjednica je održana u sali 109, prvi sprat u zgradi Kantona, dana 15.01.2014. godine u trajanju od 10²⁰ do 11⁰⁰ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Sabina Heljić, ministrica Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Edin Terzić, ministar Ministarstva za prostorno uređenje, promet i komunikacije i zaštitu okoline,
9. Nedžad Lokmić, ministar Ministarstva za boračka pitanja.

kao i

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Jasminka Ahmetšpahić, viši stručni saradnik za poslove informisanja u Uredu premijera,
4. Alma Hrnjić, zapisničar.

Opravdano odsutna;

1. Senka Balorda, ministrica Ministarstva zdravstva,

Premijer je stavio na diskusiju predloženi

D N E V N I R E D :

1. Zapisnik sa 142. sjednice Vlade Zeničko-dobojskog kantona, održane 24.12.2013. godine;
2. Zapisnik sa 143. sjednice Vlade Zeničko-dobojskog kantona, održane 31.12.2013. godine;

3. Zapisnik sa 20. vanredne sjednice Vlade Zeničko-dobojskog kantona, održane 25.12.2013.g;
4. Zapisnik sa 21. vanredne sjednice Vlade Zeničko-dobojskog kantona, održane 30.12.2013.g;
5. Prijedlog Zakona o dopunskim pravima boraca;
6. Prijedlog Odluke o unosu nedostajućih sredstava u operativnim planovima za stvorene obaveze budžetskih korisnika sa 31.12.2013. godine;
7. Prijedlog Rješenja o imenovanju na kraći period članova Upravnog odbora JU Univerzitet u Zenici;
8. Prijedlog Rješenja o dopuni Rješenja o imenovanju Interresorne radne grupe za provođenje postupka procjene učinka organa državne službe i ostvarenih radnih ciljeva i izvršavanja postavljenih zadaća rukovodilaca organa državne službe;
9. Prijedlog teksta Obavještenja o pozivu za zaključenje vansudske nagodbe za izvršenje potraživanja koja su određena rješenjima o izvršenju na osnovu pravosnažnih sudskih odluka;
10. Prijedlog Rješenja o konačnom imenovanju NO „Velepromet-Maloprodaja“ dd Visoko;
11. Prijedlog Odluke o izmjeni Odluke o odobravanju finansijskih sredstava-subvencioniranje uvođenja i certifikacije međunarodnih standarda za upravljanje kvalitetom privrednom društvu „UGARAK-Produkt“ d.o.o. Visoko;
12. Prijedlog Odluke o izmjeni Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Rkt Župni ured sv. Ivana Krstitelja, Jelah, Općina Tešanj;
13. Upoznavanje članova Vlade sa aktom:

Službe za zajedničke poslove broj: 14-14-23016-1/13 od 05.12.2013. godine kojim se dostavlja Zapisnik interne revizije broj: MF: 07-04/010-02/13 MŠ.MS od 14.11.2013. godine;

Članovi Vlade su se usaglasili sa predloženim izmjenama i dopunama tako da je za sjednicu jednoglasno usvojen slijedeći;

DNEVNI RED :

1. Zapisnik sa 142. sjednice Vlade Zeničko-dobojskog kantona, održane 24.12.2013. godine;
2. Zapisnik sa 143. sjednice Vlade Zeničko-dobojskog kantona, održane 31.12.2013. godine;
3. Zapisnik sa 20. vanredne sjednice Vlade Zeničko-dobojskog kantona, održane 25.12.2013.g;
4. Zapisnik sa 21. vanredne sjednice Vlade Zeničko-dobojskog kantona, održane 30.12.2013.g;
5. Prijedlog Zakona o dopunskim pravima boraca;
6. Prijedlog Odluke o unosu nedostajućih sredstava u operativnim planovima za stvorene obaveze budžetskih korisnika sa 31.12.2013. godine;
7. Prijedlog Rješenja o dopuni Rješenja o imenovanju Interresorne radne grupe za provođenje postupka procjene učinka organa državne službe i ostvarenih radnih ciljeva i izvršavanja postavljenih zadaća rukovodilaca organa državne službe;
8. Prijedlog teksta Obavještenja o pozivu za zaključenje vansudske nagodbe za izvršenje potraživanja koja su određena rješenjima o izvršenju na osnovu pravosnažnih sudskih odluka;
9. Prijedlog Odluke o izmjeni Odluke o odobravanju finansijskih sredstava-subvencioniranje uvođenja i certifikacije međunarodnih standarda za upravljanje kvalitetom privrednom društvu „UGARAK-Produkt“ d.o.o. Visoko;
10. Prijedlog Odluke o izmjeni Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Rkt Župni ured sv. Ivana Krstitelja, Jelah, Općina Tešanj;
11. Prijedlog Odluke o pokretanju procedure dugoročnog kreditnog zaduženja Zeničko-dobojskog kantona;

12. Upoznavanje članova Vlade sa aktom Službe za zajedničke poslove broj: 14-14-23016-1/13 od 05.12.2013. godine kojim se dostavlja Zapisnik interne revizije broj: MF: 07-04/010-02/13 MŠ.MS od 14.11.2013. godine;

Prva tačka dnevnog reda

Vlada je jednoglasno verificirala Zapisnik sa 142. sjednice Vlade Zeničko-dobojskog kantona, održane dana 24.12.2013. godine;

U diskusiji je učestvovao ministar Ministarstva za poljoprivredu, šumarstvo i vodoprivredu, Premijer Zeničko-dobojskog kantona i sekretar Vlade vezano za tačku dnevnog reda; Prijedlog Zaključka o odobravanju sredstava poticaja otkupljivačima za otkup svježeg kravljeg mlijeka, u iznosu od 45.626,56 KM za periodu od IV kvartala 2012. godine do kraja III kvartala 2013. godine;

Druga tačka dnevnog reda

U diskusiji su učestvovali; ministar Ministarstva za poljoprivredu, šumarstvo i vodoprivredu Premijer Zeničko-dobojskog kantona i sekretar Vlade.

Vlada je jednoglasno, uz uvaženu primjedbu ministra Ministarstva za poljoprivredu, šumarstvo i vodoprivredu da u Zaključku donesenom na prijedlog tog ministarstva o odobravanju sredstava poticaja otkupljivačima za otkup svježeg kravljeg mlijeka u iznosu od 98.559,68 KM za period od IV kvartala 2012. godine do kraja III kvartala 2013. godine, nije obuhvaćen i ranije predloženi iznos sredstava od 45.626,56 KM, verificirala Zapisnik sa 143. sjednice Vlade Zeničko-dobojskog kantona, održane dana 31.12.2013. godine i istovremeno je u cilju prevazilaženja istaknutog donesen i

Zaključak kojim se odobravaju sredstva u iznosu od 45.626,58 KM (slovima: četrdesetpethiljada šestodvadesetšest i 58/100 konvertibilnih maraka) za otkup svježeg kravljeg mlijeka u periodu od IV kvartala 2012. do kraja III kvartala 2013. godine.

Odobrena sredstva iz tačke I ovog Zaključka isplatit će se iz Budžeta Zeničko-dobojskog kantona za 2013. godinu sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402, pozicija "Subvencije za podsticaj razvoju u poljoprivrednoj proizvodnji".

Sredstva iz tačke I ovog Zaključka isplatit će se sljedećim subjektima:

r/b	Podnosilac zahtjeva	Broj žiroračuna	Količina mlijeka u litrima	Iznos premije KM/1	Iznos podrške u KM
1.	OPZ "Ze-Vis" Zenica	154-260-20024206-50 Intesa SanPaolo Banka	190.643	0,02	3.812,86
2.	OPZ "Kapi života" p.o.Tešanj	140-501-0025-1311-75 Sberbank	1.382.041	0,02	27.640,82
3.	OZZ "Moštre" Visoko	1608010000001420 Vakufska banka	367.350	0,02	7.347,00
4.	OPZ "Inter Agro" p.o. Kakanj	140-603-1120-0002-91 Sberbank	39.050	0,02	781,00
5.	PO "Lastavica" Zenica	154-260-20024306-41 Intesa SanPaolo Banka	302.244	0,02	6.044,88
Ukupno			2.281.328		45.626,56

Zadužuju se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog kantona da u skladu sa zakonom i pozakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

Treća tačka dnevnog reda

Vlada je jednoglasno verificirala Zapisnik sa 20. vanredne sjednice Vlade Zeničko-dobojskog kantona, održane 25.12.2013. godine;

Četvrta tačka dnevnog reda

Vlada je jednoglasno verificirala Zapisnik sa 21. vanredne sjednice Vlade Zeničko-dobojskog kantona, održane 30.12.2013. godine;

Peta tačka dnevnog reda

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

U diskusiji su učestvovali; Premijer Zeničko-dobojskog kantona, sekretar Vlade i ministrica Ministarstva finansija.

Vlada je jednoglasno donijela Zaključak kojim se zadužuje Ministarstvo finansija Zeničko-dobojskog kantona da nakon isplate mjesečnih plaća budžetskih korisnika za 2014. godinu u red prioriteta uvrsti isplatu sredstava Ministarstva za boračka pitanja, sa razdjela 24, budžetska organizacija 01, potrošačka jedinica 0001, ekonomski kod 614200, Tekući transferi pojedincima:

- pomoć za liječenje i nabavku lijekova, subanalitika OAD 214,
- ortopedska i druga pomagala, subanalitika OAD 205 i
- sredstva za rad branilačkih udruženja, subanalitika OAD 204, Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13).

Zadužuju se Ministarstvo za boračka pitanja i Ministarstvo finansija da u skladu sa zakonom i pozdakovskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dala je Sabina Heljić, ministrica Ministarstva finansija.

Vlada je jednoglasno donijela Odluku o unosu nedostajućih sredstava u operativnim planovima za stvorene obaveze budžetskih korisnika sa 31.12.2013. godine

U cilju poštivanja računovodstvenog načela sveobuhvatnosti, principa modificiranog nastanka događaja, te realnog finansijskog izvještavanja o stvorenim obavezama i zatvaranja računovodstvenog perioda, nalaže se Ministarstvu finansija-Odsjeku za planiranje i izvršenje budžeta, unos nedostajućih sredstava za obaveze pojedinih budžetskih korisnika stvorene do 31.12.2013. godine iznad nivoa odobrenih sredstava u operativnim planovima novčanih tokova Budžeta Zeničko-dobojskog kantona za 2013. godinu.

Zadužuju se nadležna ministarstva, uprave, službe i Ministarstvo finansija da u skladu sa zakonom i prodzakovskim aktima realizuju ovu odluku, svako u okviru svoje nadležnosti. Odluka stupa na snagu danom donošenja, a objavit će se u „Službenim novinama Zeničko-dobojskog kantona.

Sedma tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

Vlada je jednoglasno donijela Rješenje o dopuni Rješenja o imenovanju Interresorne radne skupine za provođenje postupka procjene učinka organa državne službe i ostvarenih radnih ciljeva i izvršavanja postavljenih zadaća rukovoditelja organa državne službe i drugih rukovodećih državnih službenika koje postavlja Vlada Zeničko-dobojskog kantona

U točki II Rješenja o imenovanju Interresorne radne skupine za provođenje postupka procjene učinka organa državne službe i ostvarenih radnih ciljeva i izvršavanja postavljenih zadaća rukovoditelja organa državne službe i drugih rukovodećih državnih službenika koje postavlja Vlada Zeničko-dobojskog kantona, broj: 02-34-14061/13 od 25.6.2013. godine i broj: 01-34-15266/13 od 10.7.2013. godine u točki II, iza riječi ”godine”, dodaju se riječi: “1.1.2013.-31.12.2013. godine”. Rješenje stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

U diskusiji je učestvovao sekretar Sekretarijata za zakonodavstvo.

Vlada je jednoglasno uz predloženu dopunu donijela Zaključak kojim se utvrđuje tekst Obavještenja o podnošenju pijačloga tražitelja izvršenja Vladi Zeničko-dobojskog kantona za zaključenje vansudske nagodbe za izvršenje novčanih potraživanja koja su određena rješenjima o izvršenju nadležnog suda na osnovu pravosnažnih sudskih odluka (daljem tekstu: vansudska nagodba), a koje je sastavni dio ovog zaključka. Obavještenje iz tačke I. ovog zaključka objavit će se na web stranici Zeničko-dobojskog kantona, u jednim dnevnim novinama i Službenim novinama Zeničko-dobojskog kantona. Zadužuju se Stručna služba Vlade-Odjeljenje za informatičku podršku, Služba za zajedničke poslove i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

Obavještavaju se svi tražitelji izvršenja (povjerioci) da mogu podnijeti Vladi Zeničko-dobojskog kantona prijedlog za zaključenje vansudske nagodbe za izvršenje novčanih potraživanja koja su određena rješenjima o izvršenju nadležnog suda na osnovu pravosnažnih sudskih odluka (daljem tekstu: vansudska nagodba).

Prijedlog za zaključivanje vansudske nagodbe podnosi se u pisanoj formi koja sadrži oznaku i broj izvršnog naslova i izjavu o:

1. spremnosti za najveće procentualno odricanja od visine ukupnog duga
 - a) ili dijela glavnog duga,
 - b) i/ili dijela ili u cjelosti pripadajuće zakonske kamate,
 - c) i/ili dijela ili u cjelosti sudskih troškova,
2. suglasnost na isplatu usaglašenog iznosa duga u dogovorenim ratama,
3. suglasnost da će nakon zaključivanja vansudske nagodbe povući prijedlog za izvršenje podnesen nadležnom sudu.

Rok za podnošenje prijedloga Vladi Zeničko-dobojskog kantona za razmatranje prijedloga za zaključenje vansudske nagodbe je do 28.2.2014. godine.

Prijedlozi se podnose poštom ili putem protokola Kantona, na adresu; Kučukovići broj 2, 72 000 Zenica sa naznakom „Komisija za razmatranje prijedloga za zaključenje vansudske nagodbe - ne otvarati“.

Deveta tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

U diskusiji je učestvovao ministar Ministarstva unutrašnjih poslova.

Vlada je sa jednim suzdržanim glasom većinom glasova za donijela Odluku o izmjeni Odluke o odobravanju finansijskih sredstava-subvencioniranju uvođenja i certifikacije međunarodnih standarda za upravljanje kvalitetom privrednom društvu „UGARAK-Produkt“ d.o.o. Visoko. U Odluci o odobravanju finansijskih sredstava-subvencioniranju troškova uvođenja i certifikacije međunarodnih standarda za upravljanje kvalitetom privrednom društvu „UGARAK-Produkt“ d.o.o. Visoko, broj: 02-14-27610/13 od 31.12.2013. godine., u članu 2. (Ekonomski kod) riječi: „na žiro-račun broj: 161 075 000 3360 005 kod Raiffeisen bank“, zamjenjuju se riječima: „na žiro-račun broj: 154-001-11000276-94 kod INTESA SAN PAOLO BANKA“.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima realizuju ovu odluku svako u okviru svojih nadležnosti. Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

10. tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

Vlada je sa jednim suzdržanim glasom većinom glasova za donijela Odluku o izmjeni Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Rkt Župni ured sv.Ivana Krstitelja, Jelah, Općina Tešanj U Odluci o odobravanju finansijskih sredstava-subvencioniranje troškova certifikacije energetske efikasnosti građevinskog objekta Rkt Župni ured sv.Ivana Krstitelja, Jelah, Općina Tešanj, broj: 02-14-27634/13 od 31.12.2013. godine., u članu 2. (Ekonomski kod) riječi: „na žiro-račun broj:134-

070-00000009-63 kod Investiciono-komercijalne banke d.d.Zenica“, zamjenjuju se riječima: „na žiro-račun broj:3385502256087683 kod UniCredit Bank d.d. Mostar“.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima, realizuju ovu odluku svako u okviru svojih nadležnosti.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

11. tačka dnevnog reda

Obrazloženje za ovu tačku dnevnog reda dala je Sabina Heljić, ministrica Ministarstva finansija.

U diskusiji su učestvovali, Premijer Zeničko-dobojskog kantona i ministrica Ministarstva za pravosuđe i upravu.

Vlada je jednoglasno uz predloženu dopunu donijela Odluku o pokretanju procedure dugoročnog kreditnog zaduženja Zeničko-dobojskog kantona

Pokreće se procedura dugoročnog kreditnog zaduženja Zeničko-dobojskog kantona u 2014. godini u iznosu od 16.100.000,00 KM, plus pripadajuće kamate, a u svrhu finansiranja budžetskog deficita Kantona.

Služba za zajedničke poslove Zeničko-dobojskog kantona u saradnji sa Ministarstvom finansija provest će proceduru javne nabavke radi kreditnog zaduženja, u skladu sa Zakonom o javnim nabavkama Bosne i Hercegovine (“Službeni glasnik Bosne i Hercegovine”, broj: 49/04, 19/05, 52/05, 92/05, 94/05, 8/06, 24/06, 70/06, 12/09, 60/10 i 87/13).

Zadužuje se Ministarstvo finansija Zeničko-dobojskog kantona da u postupku provođenja procedure dugoročnog kreditnog zaduženja Zeničko-dobojskog kantona pribavi sve potrebne saglasnosti u skladu sa zakonom, te da nakon okončane procedure javne nabavke i utvrđivanja konačnih uslova kredita, a prije zaključenja ugovora sa najpovoljnijim ponuđačem, Vladi Kantona dostavi konačan tekst prijedloga Odluke o dugoročnom kreditnom zaduženju Zeničko-dobojskog kantona sa svim elementima zaduženja, u skladu sa članom 21. stav 5. Zakona o dugu, zaduživanju i garancijama u Federaciji Bosne i Hercegovine. Odluka stupa na snagu narednog dana od dana objavljivanja u “Službenim novinama Zeničko-dobojskog kantona.”

12. tačka dnevnog reda

Dostavom materijala pod ovom tačkom dnevnog reda, članovi Vlade su upoznati sa istim.

U diskusiji su učestvovali; ministar Ministarstva unutrašnjih poslova, ministrica Ministarstva za pravosuđe i upravu, ministar Ministarstva za prostorno uređenje, promet i komunikacije i zaštitu okoline, Premijer Zeničko-dobojskog kantona, ministar Ministarstva za poljoprivredu, šumarstvo i upravu i ministrica Ministarstva finansija.

Premijer je zaključio sjednicu u 11⁰⁰ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić